



Տ. ՕՇԱԿԱՆ ԱԲԵՂԱ ԳՅՈՒԼԳՅՈՒԼՅԱՆ

Ծնվել է 1960 թ. հունիսի 18-ին, Բելյու-
թում: Ավագանի անունն է Գևորգ: Նախնա-
կան կրթությունն ստացել է Վահան Թեքե-
յան ազգային վարժարանում:

1977 թ. սեպտեմբերին ընդունվել է Մեծի
Տանն Կիլիկիո Կաթողիկոսության դպրե-
վանք:

Երկու տարի ուսանելուց հետո, 1979 թ.
սեպտեմբերին, ընդունվել է Մայր Աթոռ Ս.
Էջմիածնի հոգևոր ճեմարան: Մեկ տարի
անց մեկնել է Բելյութ և որոշ ընդհատու-
մից հետո, 1982 թ., վերադարձել Ս. Էջ-
միածին և շարունակել ուսումը հոգևոր ճե-
մարանում:

1986 թ. փետրվարի 14-ին, ձեռամբ Մայր
Աթոռի լուսարարապետ գերաշնորհ Տ. Հու-
սիկ արքեպս. Սանթրոյանի, ձեռնադրվել
է սարկավագ:

1986 թ. ավարտել է հոգևոր ճեմարանը՝
ավարտաճառ ներկայացնելով «Ստեփանոս
Սյունեցու մատենագրական ժառանգության
մի քանի էջեր» թեմայով:

